

ՀՈԳԵԽՈՐ ԸՆԹԵՐՑՈՒՄՆԵՐ

ՆՈՐ ՄԱՐՏԱՀՐԱՎԵՐՆԵՐ*

ԼԵԶՎԱԽՈՍՈՒԹՅԱՆ ԿԱՄ ԳԼՈՍՍԱԿԱԼԻԱՅԻ ՄԱՍԻՆ

Ժամանակակից նեո-պենտեկոստալ շարժման վերջին ալիքներից՝ խարիզմատ շարժման մեջ, ինչպես նաև այսօր առկա հոգեգալստական գրեթե բոլոր ուղղություններում, չնայած ինչ-ինչ երկրորդական տարբերությունների գոյության, մեկ սկզբունք պարտադիր է նույնն է գրեթե բոլորի համար: Դա լեզվախոսությունն է, որը ներկայացվում է իբրև ապացույց իրենց՝ Ս. Հոգով մկրտված կամ փրկված լինելու:

Այդ երևույթի եզակիության եւ աստվածային ծագման գովասանքն ու քարոզչությունն այնքան է տարածվել, որ առանց խնդրի էության մեջ մտնելու, այն ընդունվում է որպես ճշմարտություն, այն էլ՝ միակ, ինչպես համոզված պնդում են բոլոր աղանդավորական շարժումների անդամները: Անշուշտ մեզ համար ավելի հետաքրքիր է ոչ թե այդ անկապ, անիմաստ բարբառները, որը ներկայացնում են որպես «լեզու», այլ այն, թե այդ երևույթը որքանով է համապատասխանում է Ս. Գրքին, եւ արդյո՞ք Ս. Գիրքը խրախուսում եւ քաջալերում է այդ երևույթը, ինչպես պնդում են այդ շարժման ռաիվիդաները՝ Քենեա Հեյզինը, Ուլֆ Էքմանը, Յոնգի Չոն² եւ ուրիշներ:

Ստորև դիտարկենք Նոր Կտակարանի այն մի քանի հատվածները, որոնք պատմում են լեզուներով խոսելու մասին³, եւ փորձենք պատասխանել այն հարցին, թե մերօրյա «լեզվախոսները» ի՞նչ կապ ունեն այդ համարների հետ:

Սակայն, մինչ այդ հարցերի քննարկմանն անցնելը, համառոտ ներկայացնենք այդ երևույթն ընդհանրապես:

ԼԵԶՎԱԽՈՍՈՒԹՅԱՆ ԵՐԵՒՈՅԹ ԶԻՆ ԱՇԽԱՐՀՈՒՄ

Բ. դարի կեսին Փոյուզիայում նորադարձ նախկին մի հեթանոս քուրմ, Մոնտանոս անունով, իրեն հռչակեց մարգարե⁴: Երկու մարգարեուհի՝ Մաքսիմիլան ու

* Սկիզբը՝ «Էջմիածին», 2012, Ա.-ԺԲ., 2013, Ա.-Բ.:

2 Տե՛ս **А. Дворкин, Сектоведение**, Н. Новгород, 2000, էջ 525-528:

3 Մարկ. ԺԶ. 17-18, Գործք Բ. 1-21, Ժ. 44-48, ԺԹ. 1-7, Ա. Կորնթ. ԺԲ.-ԺԴ. գլուխներ:

4 **Ե. Տէր-Մինասեանց**, Ընդհանուր եկեղեցական պատմություն, հ. Ա., Ս. Էջմիածին, 1908, էջ 84:

Պրիսկիլյան, Մոնտանոսի համախոհներն էին: Այդ նոր պարակլետը՝ մխիթարիչը⁵, հայտարարում էր, որ Հիսուս Քրիստոս պիտի իջնի Փռյուգիայում՝ Պեպուզա քաղաքի մոտ նա սկսում է իր համախոհներին հավաքել և սպասել Նրան: Նշենք, որ Սմիթը, Միլլերը Հիսուսին «իջեցնում էին» ամերիկյան մայրցամաքում, իրենց բնակավայրերի մոտ, ինչպես Մոնտանոսը:

Մոնտանականների քարոզները աշխարհի վախճանի մոտալուտ լինելու մասին, պահանջում էին նորանոր հայտնություններ՝ դրան սպասող և հավատացող ժողովրդի համար: Փռյուգիացի մարգարեն, որպես Վերջին օրերի աստվածային հայտնությունները աշխարհին հայտնող⁶, ներկայացավ որպես «խողովակ», որի միջոցով այդ հայտնությունները տրվում էին աշխարհին: Ընդ որում, այդ հայտնությունները տրվում էին մարգարեին և մարգարեուհիներին հուզավառության (էկզալտիկ) վիճակում գտնվելիս: Պաշտամունքի ժամանակ ընկնելով մտահափշտակության (էքստազ) մեջ՝ այդ մարգարեները սկսում էին խոսել, իրենք էլ չհասկանալով թե ինչ, իսկ ներկաները գրի էին առնում այդ խոսքերը և այն ներկայացնում որպես Աստծու խոսք, որպես նոր հայտնություն:

Եւսեբիոս Կեսարացին, գրելով մոնտանականների մասին, այսպես է նկարագրում նրանց. «Շամբշաբար, անճախ (անպատշաճ) և օտարաձայն բարբառելին»⁷: «Շամբշաբար» բառը թարգմանվում է *մոլագար, խելագար*: Պաշտամունքային այդ ձևեր, երբ մոլագար, օտարաձայն բարբառում էին, նույնն է, ինչ որ այսօրվա շատ աղանդավորների պաշտամունքային կամ, ինչպես իրենք են ասում, «փառաբանման» ձևը⁸: Մոնտանը բոլորին կոչ էր անում մաքրվելու, իրեն հայտնված տեսիլքների համաձայն, քանի որ շատ շուտով պիտի Հիսուս գար և հիմնադրեր Նոր Երուսաղեմը⁹: Նա իր հետևորդներին պարտադրում էր ճգնակեցություն՝ ընտանիքներից ամուսնությունից հրաժարում: Մաքսիմիլյան իր մարգարեություններից մեկում գրում էր. «*Ինձանից հետո ուրիշ մարգարեուհի չի լինելու, այլ միայն՝ վախճանը*»¹⁰:

Ս. Գրիգոր Տաթևացին իր «Գիրք Հարցմանց»-ում նշում է մի քանի երեւույթ,

5 Հովհ. ԺԴ. 26 համարի խոստումի իրականացումը:

6 Մորմոնները նույն բանն են ասում Ժողեֆ Սմիթի մասին, Եհովայի վկաները՝ իրենց բրուկլինյան առաջնորդներին:

7 **Եւսեբիոս Կեսարացի**, Պատմություն եկեղեցական, Վենետիկ, 1887, էջ 376:

8 Հիմնական տարբերությունը պատմական մոնտանականների և այսօրվա լեզվախոսների բարբառաբանների միջև էական է. Մոնտանի գրագիրները՝ Մաքսիմիլյան և Պրիսկիլյան, կարողանում էին այդ շամբիշ խոսքերը գրի առնել, այսինքն՝ այդ էքստատիկ բարբառանքը արտաբերապես լեզվի էր նմանվում, մինչդեռ նույն բանը անհնար էր ասել այսօրվա «լեզվախոսների» մասին: Նրանց բարբառանքը ոչ մի կապ չուի լեզվի հետ, էքստատիկ ծննդանների անիմաստ ձայներ են և, անշուշտ, ամենեւին չեն հավակնում նախադասություն լինելու, որն ինչ-որ միտք է արտահայտում, ունի տրամաբանական կառուցվածք, ենթակա, ստորոգյալ և այլն: Իսկ ամենագավեշտալին այն է, որ Ս. Հոգու այդ «շնորհը» ունեցող քարոզիչները, Հայաստան այցելելիս, թարգմանի միջոցով են շփվում լսարանի հետ:

9 Մորմոնական Հավատամքի 10-րդ կետում գրված է. «Մենք հավատում ենք ուղղակի իմաստով Իսրայելի Տան հավաքմանը, նրա տասը ցեղերի վերականգնմանը, Սիոնի՝ Նոր Երուսաղեմի կառուցմանը ամերիկյան աշխարհամասում...»: Ի տարբերություն Մոնտանի՝ Սմիթը Նոր Երուսաղեմը տեղադրում է ամերիկյան մայր ցամաքում:

10 Encyclopedia of religion, Motanism, vol. 15, N. Y., 1987, էջ 775:

որոնցով վերջին օրերին Նեռը պիտի խաբի մարդկանց: Դրանց թվում նշում է լեզվա-խոսությունը. «...և չար հոգիով խօսել պիտի տա այլ եւ այլ լեզուներ»¹¹:

Եկեղեցու պատմությունը, մոնտանականությունից հետո, նման «շամբիշ» աղանդների այլեւս չի հիշատակում մինչև ԺԷ.-ԺԸ. դարերը, երբ բարենորոգական շարժման (ռեֆորմացիա) հաջորդած բազում ճյուղավորումներ սկսեցին որդեգրել պաշտամունքային շամբիշ ձևերը, իհարկե, հավատալով, որ այդ ունի աստվածային ծագում: Շոտլանդիայից Զորջ Ֆոքսը Մոնտանոսի նման իրեն հռչակեց երկնային կոչում ունեցող՝ այս աշխարհը կարգի բերելու եւ Զրիստոնեությունը ուղղելու: Ֆոքսը գտնում էր, որ Ս. Գիրքը ինքն իրենից մեռած գիրք է ներկայացնում: Այն կենդանացնելու փոխարեն պետք է հավատացյալը պայծառանա, ներքնապես լուսավորվի Սուրբ Հոգու միջոցով: Իրենց հավաքներում, կենտրոնանալով, նրանք ձգտում էին ներքնապես լուսավորվել՝ լույսի մեջ մնալով եւ երկարատև «ինքնախոսություններից» հետո պայծառություն ստացողն սկսում էր մարգարեանալ, որի խոսքերն ընդունում էին որպես նոր հայտնություն մարդկությանը: Այս դավանանքով, բնական է, նրանք ամենեւին կարիք չեն ունենա ո՛չ Սուրբ Գրքի, ո՛չ որեւէ խորհրդի կամ որեւէ կրոնական պահանջմունքի: Մոնտանոսի նման Ֆոքսն էլ երկնային հայտնությունները ստանում էր մտահափշտակության (էքստատիկ) վիճակում ինչպես ինքն էր ասում, անմիջապես Աստծուց, Սուրբ Հոգու միջոցով: Հետեւաբար, յուրաքանչյուրը, ինչպես պնդում էր Ֆոքսը, անմիջապես լուսավորվելով Սուրբ Հոգուց, իմանում էր ամեն անհրաժեշտ բան եւ, բնականաբար, կարիք չունեւ ո՛չ Եկեղեցու, ո՛չ Սուրբ Գրքի: Զվակերները հավաքվելով(քվակեր՝ անգլերեն quake = դող, դողացնել, ըստ Փիլիպ. Բ. 12 համարի) սպասում էին որպեսզի իրենցից մեկն ու մեկը «պայծառություն» ստանա, սկսի մարգարեանալ, հայտնի երկնային Աստծու կամքը: Պաշտամունքային այդ ձևը, անշուշտ, հեթանոսական ծագում ունի, հոգեպաշտների՝ սպիրիտիստների այդ ժամանակ տարածված արարողություններից էր: Այսինքն էքստատիկ վիճակում հայտնությունների ստացումը ավելի օկուլտ-հեթանոսական բնագավառին է պատկանում, քան քրիստոնեական վարդապետության¹²:

ԺԸ.-ԺԹ. դարերին ի հայտ են գալիս նաեւ այլ կրոնական շարժումներ, որոնց հավատամքը նույնն է, ինչ որ այսօրվա խարիզմատիկ շարժմանը: Օրինակ՝ Անգլիայում Էդ. Իրվինգի (1792-1834) հետևորդները՝ իրվինգիստները, քարոզում էին առաքելական ժամանակների շնորհների անհրաժեշտությունը, որոնք պիտի փոխանցվեին եւ ի հայտ գային նաեւ իրենց ժամանակներում: Այդ շնորհների մեջ իրվինգիստները տեսնում էին լեզվախոսությունը, բժշկությունը, մարգարեությունը եւ այլն:

11 «Գիրք հարցմանց», Կ. Պոլիս, 1728, էջ 708:

12 Լեզվախոսությունը բնորոշ է եղել նաեւ մորմոններին (նրանց Հավատամքի 8-րդ կետում գրված է. «Մենք հավատում ենք լեզուների պարզեւին...»), Աննա Լիի՝ անգլիական շեյթերներին, Դ. Բրեզի՝ Աստծո գավակներին եւ այլն: Նշենք միայն, որ մորմոնների նշված հոդվածը ամենեւին ակնարկ չէ Սմիթի՝ հին եգիպտոսեցի թարգմանիչ-լեզվաբան լինելու մասին, այլ՝ Պոդոս առաքյալի Կորնթացիներին ուղղված թղթում նկարագրած լեզուների պարզեւի:

Իրվինգիստներին գուգահեռ Անգլիայում առաջ եկավ մի նոր շարժում եւս, որի հիմնադիրը եղավ Անգլիկան եկեղեցու քահանա Դերբին: Նա մերժում էր ամեն ինչ, քարոզելով կրոնական ազատություն՝ մերժելով բոլոր հավատամքներն ու հարանվանությունները: Նա միայն հաղորդությունն էր ընդունում որպես հավատացյալների միության խորհուրդ:

Հայտնի է, որ գլոսալալիայի այս երեսույթը հայտնի է նաեւ հեթանոսական գանազան կրոններում՝ հնդկական Վեդաներում, տիբեթյան լամաիզմում¹³:

Պատռնն իր աշխատություններում հաճախ է հիշում Դելֆյան գուշակին, որն ընկնելով էքստատիկ վիճակի մեջ, սկսում էր մարգարեանալ, անկապ-անկապ բարբաջել¹⁴: Նույն բանն էր ասում նաեւ Պլուտարքոսը դելֆյան գուշակի մասին: Այս փաստը պետք է նկատի ունենանք, երբ քննենք Կորնթոսի եկեղեցում լեզվախոսության հարցը:

ԺԱՄԱՆԱԿԱԿԻՑ ՀՈԳԵԳԱԼՍՏԱԿԱՆ ՇԱՐԺՈՒՄԸ

ԺԹ. դարի վերջին օրը՝ 1900 թ. դեկտեմբերի 31-ին, ամերիկյան մայրցամաքում ծնունդ առավ հերթական կրոնական շարժում, որը բնականաբար, ընդունելով մնացած բոլորի սխալ եւ միայն իր ճշմարտացի լինելու սկզբունքը, ինքնատիպ դարձավ իր չափազանց մակերեսային աստվածաբանական մտքով: Այդ շարժմամբ էր, որ հիմք դրվեց մակերեսային կրոնական շարժումների, որոնք չունենալով ոչ մի սուրբգրային հիմնավորում, աճեցին՝ հիմնավեցին եւ արմատավորվելով անհատների անձնական փորձառության վրա, ցանկացած քամուց շեղվելով եւ տարուբերվելով դավանական լաբիրինթոսներում, ամեն անգամ ընդլայնվելով եւ տարածվելով՝ նորանոր անդամներ ներգրավելով, որոնց կրոնական արմատները նույնքան մակերեսային են . . . Հոգեգալստական կամ Պենտեկոստեական շարժումն էր, որ ծնվեց Ի. դարի արշալույսին . . .

(Շարունակելի)

ՂԵԻՈՆԴ ՔԱՀԱՆԱ ՄԱՅԻԼՅԱՆ

13 Տե՛ս **Glossalalia** հոդվածը Encyclopedia of religion, քառաբանում, vol. 5, N. Y., էջ 563:

14 Տե՛ս **Richard C. Schwab**, *Let The Bible Speak... About Tongues*, Grand Rapids, Michigan, 1983, էջ 4: